

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za privredu**

Broj: 02/12-02-9-1426/15-1
Sarajevo, 28.10.2015. godine

**DOMU NARODA
PARLAMENTA FEDERACIJE BIH**

Na zakazanoj 2. sjednici Odbora za privredu Doma naroda Parlamenta Federacije BiH za 28.10.2015. godine predviđeno je da se razmatraju sljedeće tačke dnevnog reda:

- 1. Izvještaj o radu i poslovanju Javnog preduzeća Elektroprivreda „HZ HB“ d.d. Mostar za 2014. godinu,**
- 2. Izvještaj o radu Federalnog zavoda za zapošljavanje za 2014. godinu,**
- 3. Izvještaj o radu Komisije za koncesije Federacije Bosne i Hercegovine za 2014. godinu,**
- 4. Izvještaj o radu i poslovanju Javnog preduzeća „Elektroprivreda BiH“ d.d. Sarajevo za 2014. godinu,**
- 5. Izvještaj o radu i poslovanju „BH Gas“ d.o.o. Sarajevo za 2014. godinu,**
- 6. Izvještaj o radu Federalnog pravobranilaštva za 2014. godinu,**
- 7. Tekuća pitanja.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03) Odbor za privredu podnosi Domu naroda sljedeći:

I Z V J E Š T A J

- 1. Izvještaj o radu i poslovanju Javnog preduzeća Elektroprivreda „HZ HB“ d.d. Mostar za 2014. godinu,**

Nakon uvodnog obraćanja zamjenika predsjednika Odbora za privredu izjavitelj ispred Javnog preduzeća Elektroprivrede „HZ HB“ d.d. Mostar detaljno je upoznao članove odbora o Izvještaju o radu i poslovanju Javnog preduzeća Elektroprivreda „HZ HB“ d.d. Mostar za 2014. godinu.

Prezentovan je izvještaj neovisnog revizora, sveobuhvatnoj dobiti, finansijskom položaju, izvještaj o novčanom toku i promjenama glavnice Društva i Grupe.

Naročito je stavljen akcenat na problem nenaplativosti potraživanja od kupaca kojima upravlja Vlada Federacije Bosne i Hercegovine.

Nakon provedene rasprave članovi Odbora za privredu su primili k znanju Izvještaj o radu i poslovanju Javnog preduzeća elektroprivreda „HZ HB“ d.d. Mostar za 2014. godinu.

Članovi odbora za privredu predlažu Domu naroda da nakon razmatranja ovog Izvještaja usvoji sljedeće

ZAKLJUČKE

1. Zadužuje se Vlada Federacije Bosne i Hercegovine i nadležno ministarstvo da zajedno sa upravom društva pristupi fer procjeni vrijednosti nekretnina, postrojenja i opreme s obzirom da je posljednja procjena izvršena na dan 31. decembra 2004. godine,

2. Zadužuje se Vlada Federacije Bosne i Hercegovine i nadležno ministarstvo da poduzmu aktivnosti za naplatu potraživanja od kupaca koji su u vlasništvu Vlade Federacije Bosne i Hercegovine,

3. Zadužuje se Vlada Federacije Bosne i Hercegovine da zajedno sa nadležnim ministarstvom i upravom Javnog preduzeća definišu realne cijene električne energije.

2. Izvještaj o radu Federalnog zavoda za zapošljavanje za 2014. godinu,

U skladu sa članom 50. Poslovnika o radu Doma naroda Parlamenta Federacije Bosne i Hercegovine zbog neupućivanja svog predstavnika članovi Odbora za privredu nisu razmatrali Izvještaj o radu Federalnog zavoda za zapošljavanje za 2014. godinu.

3. Izvještaj o radu Komisije za koncesije Federacije Bosne i Hercegovine za 2014. godinu,

Predstavnik Komisije za koncesije Federacije Bosne i Hercegovine je detaljno upoznao članove Odbora za privredu sa Izvještajem o radu Komisije za koncesije Federacije BiH za 2014. godinu.

Nakon sveobuhvatne rasprave članovi Odbora za privredu predlažu Domu naroda da usvoji sljedeće

ZAKLJUČKE

1. Usvaja se Izvještaj o radu Komisije za koncesije Federacije Bosne i Hercegovine za 2014. godinu,

2. Zadužuje se Vlada Federacije Bosne i Hercegovine da pokrene proceduru izbora novih članova Komisije za koncesije Federacije Bosne i Hercegovine,

3. Zadužuje se Vlada Federacije Bosne i Hercegovine i nadležno ministarstvo da pokrenu proceduru izmjene i dopune člana 37. Zakona o koncesijama kako bi se stvorili uslovi za naplatu koncesione naknade.

4. Izvještaj o radu i poslovanju Javnog preduzeća „Elektroprivreda BiH“ d.d. Sarajevo za 2014. godinu,

U uvodnom izlaganju izvjestitelj ispred javnog preduzeća „Elektroprivreda BiH“ d.d. Sarajevo je detaljno upoznao članove Odbora sa Izvještajem o radu i poslovanju preduzeća.

Prezentovani su izvještaji o konsolidovanoj dobiti, finansijskoj poziciji, promjenama u kapitalu, gotovinskim tokovima i izvještaju neovisnog revizora.

Članovi Odbora za privredu su primili k znanju Izvještaj o radu i poslovanju Javnog preduzeća „Elektroprivreda BiH“ d.d. Sarajevo za 2014. godinu.

Nakon provedene rasprave članovi Odbora predlažu Domu naroda da usvoji sljedeće

ZAKLJUČKE

1. Zadužuje se Vlada i nadležno ministarstvo da uskladi naknade prema nižim nivoima u Federaciji Bosne i Hercegovine,

2. Zadužuje se Vlada i nadležno ministarstvo da u što skorijem roku stave u funkciju sve kapacitete i na ovaj način povećaju proizvodnju električne energije.

5. Izvještaj o radu i poslovanju „BH Gas“ d.o.o. Sarajevo za 2014. godinu,

Izvjestilac je detaljno upoznao članove Odbora sa Izvještajem o radu i poslovanju javnog preduzeća „BH Gas“ d.o.o. Sarajevo za 2014. godinu. Tom prilikom prezentovane su Odluke Nadzornog odbora i Skupštine o raspodjeli dobiti iz koje je vidljivo da je dobit raspoređena za pokriće gubitka iz prethodnih godina.

Istaknuto je da je društvo u posljednje četiri godine poslovalo sa značajnim gubitcima, ostvarujući minimalne iznose prodajne marže koja nije bila dovoljna za pokriće operativnih troškova kao i značajno povećanje obaveza prema finansijskim institucijama.

Problem takođe stvara i činjenica da društvo plaća transportne troškove gasa u odnosu na zakupljeni kapacitet a ne stvarno potrošeni, a potraživanja kupaca premašuju ukupan kapital društva.

Iz svega navedenog proizilazi da sadašnja situacija odražava povećan rizik likvidnosti.

Odbor je primio k znanju Izvještaj o radu i poslovanju „BH Gas“ d.o.o. Sarajevo za 2014. godinu.

6. Izvještaj o radu Federalnog pravobranilaštva za 2014. godinu.

Nakon uvodnog obrazloženja Izvještaja od strane izvjestioca članovi Odbora za privredu nisu imali primjedbi na Izvještaj o radu Federalnog pravobranilaštva za 2014. godinu te predlažu Domu naroda da usvoji sljedeći

ZAKLJUČAK

1. Predlaže se Domu naroda da prihvati Izvještaj o radu Federalnog pravobranilaštva za 2014. godinu.

Za izvjestioca na sjednici Doma naroda Parlamenta Federacije Bosne i Hercegovine ispred Odbora za privredu određen je predsjednik odbora, gospodin Mustafa Kurtović.

PREDSJEDNIK
Odbora za privredu

Mustafa Kurtović, s.r.